

卷六

書名 群書考索別集二十五卷 正德十三年建陽劉氏慎獨書齋刊本
撰者 宋 章如愚 撰
卷 卷六
內容分類 子-類書-彙考-宋
索書號 子部-類書-17
編號 C5930500

[彩色首頁1](#)

[東洋文化研究所漢籍目錄 編號: C5930500](#)

[東洋文化研究所漢籍目錄所藏漢籍善本文影像資料庫 索書號: 子部-類書-17](#)

[漢籍善本文影像資料庫文本 群書考索別集二十五卷 正德十三年建陽劉氏慎獨書齋刊本](#)

版權所有: 東京大學 東洋文化研究所

[使用上的注意事項](#)

群書考索目錄

山堂先生章俊卿編輯
建陽知縣區玉刊行

別集

圖書門

諸圖類

太極圖

伏羲畫卦圓圖

文王八卦圖

後天序對圖

洛書

伏羲畫卦橫圖

伏羲八卦圖

先天方圓圖

河圖

皇極經世書

群書考索卷之六

別集

山堂先生章俊卿編輯
建湯知縣區玉刊行

。經籍門

詩

風雅頌之義

風雅頌者聲樂部分之名也風則十五國風雅則大小雅頌則三頌也賦比興則所以製作風雅頌之體也賦者直陳其事如葛覃卷耳之類是也比者以彼狀此如螽斯綠衣之類是也興者託物興詞如關雎兔置之類是也蓋衆作雖多而其聲音之節製作之體不外乎此詩

風雅正變之分

先儒舊說二南二十五篇為正風鹿鳴至菁莪二十二篇為正小雅文王至卷阿十八篇為正大雅皆文武成王時詩周公所定樂歌之詞也

至龜十三國為變風六月至何草不黃五十八篇為變小雅民勞至召
是十三篇為變大雅皆康昭以後所作上同

風者民俗之歌謠

國者諸侯所封之域而風者民俗歌謠之詩也謂之風者以其被上之
化以有言而其言又足以感人如物因風之動而有聲而其聲又足以
動物也是以諸侯采之以貢於天子天子受之而列於樂官以考其
俗尚之美惡而知其政治之得失焉前同

勸懲得情性之正

孔子曰詩三百一言以蔽之曰思無邪蓋詩之言美惡不同或勸或懲
皆有以使人得其情性之正然其明白簡切通于上下未有若此言者
故特稱之以為可當三百篇之義以其更為不過乎此也學者誠能深
味其言而審於念慮之間必使無所思而不出於正則日用云為莫非
天理之流行矣前同

忠志

凡詩之言善者可以感發人之善心惡者可以懲創人之逸志其用歸
於使人得其情性之正而已然其言微婉且或各因一事而發求其直
指全體則未有若此之明且盡者故夫子言詩三百篇而惟此一言足
以盡蓋其義而示人之意亦深切矣朱子

優游含蓄之意

詩雖或主於譎諫然其譏是人也亦必優游含蓄微示所以譏之之意
然後其人得以覺悟而懲創焉若但探其隱匿而播揚之既無陳善閉
邪之方又無懇切諷諭之誠則正恐未能有益於其人而吾之言固已
墮於媒嫚刻薄之流而先得罪於名教矣夫子亦何取乎爾哉語或問

美刺風諭之旨

詩本於人之情性有美刺風諭之旨其言近而易曉而從容詠嘆之間
所以漸清感動於人者又為易入故學之所得必先於此而有以發起
其仁義之良心也上同

二南詩之正風

周南之詩言文王后妃閨門之化召南之詩言諸侯之國夫人大夫妻
被文王后妃之化而成德之事蓋文王治岐而化行於江漢之域自此
而南故其樂章以南名之用之鄉人用之邦國以敷天下後世誠意正
心脩身齊家之道蓋詩之正風也同上

詩之作者非一人

詩有是當時朝廷作者雅頌是也若國風乃採詩者採之民間以見四
方民情之義惡二南亦是採民言而被樂章爾文公錄

詩者古之樂

詩古之樂也亦如今之歌曲音名不同衛有衛音邶有邶音
故詩有邶音者繫之邶邶音者繫之邶若大雅小雅則亦如今之商調
宮調作歌曲者亦按其腔調而作爾大雅小雅亦古之作樂之體格按
大雅體格作大雅按小雅體格作小雅非是做成詩後旋相度其辭自
為大雅小雅也大率國風是民庶所作雅是朝廷之詩頌是宗廟之詩

文公錄

有小大正變之分

問二雅所以分答曰小雅是所繫者小大雅是所繫者大嘯嘯鳥鳴
義小文王在上於昭于天其義大問變雅曰亦只是變用他腔調爾同上

風雅隨時而升

如周南召南當初在豐鎬之時其詩為二南後來在洛邑之時其詩為
黍離只是自二南進而為二雅自二雅退而為王風二南之於二雅如
登山到得黍離時節便是下坡了同上

六義之說有三

問詩本風而周禮篇章氏析年於田祖則吹豳雅蜡祭息老物則吹
郊頌不知就郊詩觀之孰為雅孰為頌曰先儒因此說而謂風中自有
雅自有頌雖程子亦謂然事都壞了詩之六義然有三說焉一說謂郊
之詩吹之其調可以為風可以為雅可以為頌一說謂楚茨大田甫田
是郊之雅噫嘻載芣豐年諸篇是郊之頌謂其言田之事如七月也如
王介甫則謂郊之詩自有雅頌今皆亡矣數說皆通恐其或然未敢必

也同前

六義之體不同

所謂風雅頌乃是樂章之腔調也如言仲呂調大石調越調之類是也至此興賦又別如直指其名直叙其事者賦也如本要言其事而虛用兩句鈞起因而接續者興也引物為況者比也立此六義非特使人知其聲音之所當又欲使歌者知作詩之法度也同前

比興之義不同

詩之比興比是以一物比一物而所指之事常在言外興是借彼一物以引起此事而其事常在下句但比意雖切而却淺興意雖闊而味長同前

詩之為興不一

如興體不一或借眼前事說起或別將一物說起大抵只是將三四句引起如唐詩尚有此等詩體如青青河畔草青青水中蒲皆是別借此物引起其辭非必有感有見於此物也有將物之無興起自家之所無

將物之有興起自家之所無前輩都理會這箇不分明如何說得詩本指同上

假物興辭之意

詩人假物興辭大率將上句引下句如行葦勿踐履戕賊兄弟莫遠具爾行葦是比弟兄勿字乃興莫字此詩自是飲酒會賓之意亭者却牽合作周家忠厚之詩遂以行葦為仁及草木如云酌以大斗以祈黃芎亦是觀合之時祝壽之意序者遂以為養老之言豈知祈字本只是祝頌其高壽無乞言意也同上

笙詩有譜而無辭

由庚白華等乃是笙詩有其譜而無其辭者也同上

無邪者詩之全體

或問思無邪如何是直指全體曰詩三百篇皆無邪思然但逐段無邪耳惟此一言舉全體言之因曰夏之日冬之夜百歲之後歸於其居冬之夜夏之日百歲之後歸于其室此亦無邪思也出其東門有女如雲

匪我思存縞衣綦巾聊樂我貧此亦無邪思也為子而賦既風亦無邪思也為臣而賦北門亦無邪思也但不曾說破耳唯思無邪一句便分明說破或曰如淫奔之詩如何曰淫奔之詩固邪矣然反之則非邪也故其善者可以感發人之善心惡者可以懲創人之逸志前美刺可以為勸戒

問思無邪曰非言作詩之人思無邪也蓋謂三百篇之詩所美者皆可以為法而所刺者皆可以為戒讀之者思無邪耳上美刺不足以盡詩

古人作詩與今人作詩一般其間亦自有感物道情吟詠情性幾時盡是譏刺他人只緣序者立例篇篇要說美刺說將詩人意思盡是鑿壞了且如今人見人纔做事便作一詩歌美之或譏刺之是甚道理如此一似里巷無知之人胡亂稱頌說把持放鵬何以見先王之澤何以為情性之正前

詩中頭緒多

詩中頭緒多一是音韻一是訓詁各件一是文體若逐一根究然後討得這道理則殊不濟事須是通悟者看方得前

詩至夫子而獲舊

當時史官收詩時已各有編次但經孔子時已經散失故孔子重新整理一番未見得刪與不刪如云吾自衛反魯然後樂正雅頌各得其所云各得其所則是還其舊位前

聖人只是判定

人言夫子刪詩看來只是採得許多詩夫子不曾刪去往往只是判定而已聖人當來看定好詩便要與數錄發人之善心不好詩便要起人羞惡之心皆要人思無邪蓋思無邪是魯頌中一語聖人却言三百篇惟魯頌中一言足以盡之上

詩序六詩人之本言

今人不以詩說詩却以序說詩是以委曲牽合必欲如序者之意寧失詩人之本意不恤也此是序者大善處前

讀詩當味其意

讀詩者須當諷味者詩人之意在甚嚴如柏舟綠衣不得於其夫宜其怨之深矣而其言曰我思古人實獲我心又曰靜言思之不能奮飛其詞氣忠厚惻怛然而不過如此所謂止乎禮義而中喜怒哀樂之得者所以雖為變風而繼二南之後者以此臣之不節於其君子之不得於其父弟之不得於其兄朋友之不相信處之皆當以為此法如屈原不忍其憤懷沙赴水此賢者之過也賈誼云歷九州而相其君兮何必懷此都也則又失之遠矣讀詩須如此看所謂詩可以興可以觀可以群可以怨是詩中一大義不可不理會得也

讀詩全在涵泳

讀詩之法只是熟讀涵泳自然和氣從胸中流出其妙處不可得而言不得安排措置務自立說只恁平讀意思自足

讀正文自見其意

聖人言詩之數只要得人思無邪其他篇篇是這意思惟是此一句也

說得盡只將詩正文讀自見其意今人都緣這序以間只要說得篇篇都將詩意來合序說却不要說教詩通

看詩自有次序

一者詩義理外更好看他文章且如谷風他只是如此說出來然而叙得事曲折先後皆有次序而今人費盡氣力做尚做得不好

樂為詩而作

蓋以虞書考之則詩之作本為言志而已方其詩也未有歌也及其歌也未有樂也以聲依永以律和聲則樂乃為詩而作非詩為樂而作也三代之時禮樂用於朝廷而下達於閭巷之者諷誦其言以求其志諒其聲執其器舞蹈其節以涵養其心則聲樂之所助於詩者為多

忘者詩之本

詩出乎忘者也樂出乎詩者也然則忘者詩之本而樂者其末也末雖亡不害本之存愚學者不能平心和氣從容諷誦以求之情性之中耳有得乎此然後可得而言顧所得之淺深如何耳

聖賢以志求詩

聖賢之言詩主於聲者少而發其義者多仲尼所謂思無邪孟子所謂以意逆志者誠以詩之所以作本乎其志之所存然後詩可得而言也得其志而不得其聲者有矣未有不得其志而能通其聲者也

樂聲不足以盡詩

程夫子謂二南猶易之乾坤而龜山楊氏以為一體而相成其說當矣試考之如何召南夫人恐是當時諸侯夫人被文王太姒之化者二南之應似亦不可專以為樂聲之應為言蓋必有理存乎其間

詩具天人之理

凡詩所謂風者多出於里巷歌謠之作所謂男女相與詠歌各言其情者也惟周南召南親被文王之化以成德而人皆有以得其性情之正故其發於言者樂而不適於流哀樂及於傷是以二篇獨為風詩之正經自邠而下則其國之治亂不同人之賢否亦異其所感而發者有邪正是非之不齊而所謂先王之風者於此焉變矣若夫雅頌之篇則皆

成周之世朝廷郊廟樂歌之詞其誦和而作其義寬而審其作者往往聖人之徒固使以為萬世法程而不可易者也至於雅之變者亦皆一時賢人君子閔時病俗之所為而聖人取之其忠厚惻怛之心陳善閉邪之意猶非後世能言之士所能及之此詩之為經所以人事決於下天道備於上而無一理之不見也

風者民之歌謠

凡言風者皆民間歌謠採詩者得之而聖人因以為樂以見風化流行淪肌浹髓而發於聲氣者如此其謂之風正以其自然而然如風之動物而成聲耳如關雎之詩正是當時之人被文王太姒德化之深心膽肺腸一時撫了自然不覺歌於歌詠故當作樂之時列為篇首以見一時之盛為萬世之法尤是感人妙處

雅鄭二者之別

雅鄭二字雅恐便是大小雅鄭恐便是鄭風不應樂以風為雅又於鄭風之外別求鄭聲也聖人刪錄取其善者以為法存其惡者以為戒無

非教者豈必滅其籍哉文公答呂伯恭

刪後無詩之喻

伯樂之所不顧則謂之無馬可矣夫子之所不取則謂之無詩可矣文

答范伯恭

齊魯毛鄭之詩

詩自齊魯韓氏之說不得傳而天下之學者盡宗毛氏毛氏之學傳者

亦多而王述之類今皆不存則推衍說者又獨鄭氏之箋而已呂氏家塾講詩

記後

說詩多以意會

今人說詩空有無限道理而無一點意味只為不曉此意耳語錄

詩說者不一

燕燕之詩毛氏以為衛莊姜傷已韓詩則以為衛定姜歸其婦送之而作鄭康成注禮記又以為衛獻公不禮於鄭如鄭如作此詩謂當思先君獻公以待寡人。柏舟之詩毛氏則以為仁人不遇韓氏則以為衛

宣姜自誓所作自孔子既沒之後世之學者各以其所聞而傳之故自說所以不一也

詩之章自相反

江有汜之詩既以為美媵也勤而不怨嫡能悔過也而其下文云文王之時江沱之間有嫡不以其媵備數媵遇勞而無怨嫡亦有悔也載馳之詩既以為許穆夫人所作也閔其宗國顛覆自傷不能救也又言衛懿公為狄人所滅國人分散野處漕邑許穆夫人閔衛之亡傷許之小力不能救思歸唁其兄又義不得故賦是詩也如魚麗之詩序以為文武以天保以上治內以采芣以下治外始於憂勤終於逸樂既以為文武之詩棠棣之詩又曰宴兄弟也閔管蔡之失道故作棠棣焉此又成王之詩也非一人所作甚明矣

論詩次序先後

夫去而遣之還則勞之先遣後勞則皇皇者華當在四牡之前孔氏曰使臣往返非一四牡所勞不必是皇皇者華所遣之使孔氏以伐柯九

或破斧東山然後終以振跋今皆顛倒不次以為簡札設編或者次詩不次作詩之先後孔氏之說亦一見也云云載馳衛懿公之詩乃在文公之後皇華遣使之詩乃在四牡之後豳風破斧乃在東山之前雖顛倒如此然四牡之詩但言人君之勞使不可不知勤勞皇華但言使臣之出不可不詢疾苦詩之本意如此不必泥先後之序也

風雅頌之用不同其實則一

詩之別有三風者風也本其風俗之美惡人情之去就為之詩因鄉飲射而歌之以風其上故曰風雅者正也言朝廷政事得失教化隆衰為之詩因朝廷政事宴而歌之卒歸於正故曰雅頌者容也發潛德之幽光揚先人之功烈為之詩因郊廟祭祀而歌之盡其形容故曰頌三者其用雖異其所以使之手舞足蹈而不知樂而不淫勤而不怨安於禮而不取辭者則一也

風雅頌之別

詩大序雖出於後人傳益而其妙處實有孔子源流蓋夫子嘗為子夏

子貢之徒言之後人得其緒餘合為一篇之序也如詩有六義曰風賦

比興雅頌非孔門不能道蓋風雅頌詩之體也賦比興詩之用也此賦

加多此興雅頌之中所以予嘗為之說曰鄉黨之詩曰風故二南諸國之

詩皆鄉黨人為之歌於鄉射鄉飲蜡祭或因諸侯之貢或因王人之采

達于太史而此其聲音於大師氏後世因為嘗樂今儀禮所歌二南諸

詩是也朝廷之詩曰雅蓋王朝卿士或太史氏為之或大賓客大朝會

或燕享時歌之大師氏類以為樂章今儀禮所歌鹿鳴文王曰華南陔

諸詩是也郊廟之詩曰頌亦公卿大夫與太史為之正考父之於商頌

於魯頌於郊祀明堂常祭宗廟時歌之而各有所主如清廟主文王執

競主武王思文后稷不得而易非如雅詩可以通用也後世學詩不知

風雅頌之聲與其所用者不同而妄為之故郊廟之詩間有作者而風

雅詩寂不聞以古諸侯之邦人皆能詩國皆有史遂得轉而上於國久

矣何彼穠矣是也第不當在召南摛而下四篇非魯人為之蓋請於朝

天子命史克作之以追美僖公固歌於廟而列之頌此又詩之變者孔

子曰樂正雅頌各得其所蓋故其自然初非以是為廢貶也而序詩者以言一國之事謂之風言天下之事謂之雅有一定不可易而雅之小大由於政則有大事載之小雅小事載之大雅者故凡大序之論詩有出於後人混淆之辭不敢盡言

引詩句以正風雅頌

自其四始而言之則必有一國之政事者謂之風自其詩之體而論之則三百篇之中有所諷諭之言者皆謂之風也如文王曰咨咨汝殷周之類是也自其四始而言之則必其正言天下之事也然後謂之雅自其詩之體而論之則三百篇之中有所謂正言其事者皆可謂之雅也如憂心悄悄愠于群小觀閔既多受侮不少之類是也自其四始而言之則必其形容天子之盛德然後謂之頌自其詩之體而論之則三百篇之中有所稱頌聖人之盛德者皆可謂之頌也如吁嗟麟兮吁嗟乎鵲虞之類是也風也雅也頌也皆分在於三百篇之中故學詩者不啻經四始之故必求之六義可也

詩之譏刺以微諷

棠棣之詩所以閔管蔡也所陳者文王之事而已未嘗直閔其失焉大田之詩所以刺幽王也所稱者乃成王之義而已未嘗直刺其惡焉雉之刺亂則曰百爾君子而已隱有甚楚之疾次則曰樂子之無知而已

聖人不刪淫亂之風所以示戒

淫亂之風非美事也而孔子刪詩不去而存之者所以示鑒戒於天下也亦如春秋三百餘年篡弒之事亂臣賊子一一書之亦所以示戒也而唐太子弘授左傳至於楚世子商臣殺其君頹而更授他書是不知聖人垂訓之意也近世有建言經筵以進國風是亦不知聖人垂訓之意也

詩於一篇之中或有二義

氓之詩曰刺淫佚又曰美反正是刺之中有美也庭燎之詩曰美宣王又曰因以箴之是美之中有箴也終南美襄公又曰因以勸戒之常武

美宣王又曰因以為戒是美之中又有戒也。詩有美刺怨惡閔傷規誨而一篇之中或有二義汝墳閔而有勉隱其雷勉而有勸氓刺而有美抑刺而有警揚之水怨而有思庭燎美而有箴

大功之君雖小失不足譏刺

宣王之詩凡二十篇其所稱美者衆矣然庭燎曰箴汚水有規鷦鷯曰誨祈父白駒黃鳥我行其野四篇皆曰刺者蓋大有功者不能無小失也孔子刪詩並錄其功過俾後世知大功之君雖小過不免譏刺也聖人敘詩正名而已

平王天子也其政不足化天下則其詩列於風信公諸侯也其功亦可以告於神明則其詩列於頌聖人之敘詩無加損焉正名而已矣

逸詩

司馬遷云古者逸詩三千餘篇孔子刪之存者三百孔穎達則以為傳記所舉逸詩絕少史記所言蓋司馬遷之謬歐陽又以為圖觀之宜不啻三千也

樂官以詩諫

工以納言時而賜之古之樂官掌誦詩以納諫也

詩之有刺出於不得已

讀詩至於庭燎未嘗不嘆古之君子愛其君之至也知其將失也則就其美而箴之箴之不可則汚水以規之規之不可則鷽鳴而誨之誨之不可然後祈父諸詩以刺之然則刺其君豈詩人之心哉蓋不得已也夫有宣王之功而不至於文武此詩人之所惜也

詩人思古以見今

昔者詩人之傷幽厲也不暇言幽厲之失而詠歌文武成康之隆三嘆而不已者蓋思古以見今之失也

鄭氏訓詩之失

鄭氏之學長於禮而深於經制至于訓詩乃以經制言之夫詩性情也禮制迹也彼以禮訓詩是按迹以求性情也此其所以繁塞而多失者歟綠衣之詩鄭以為祿不諫亦入鄭以為入於宗廟狼跋狀周公安閑

自得於諛疑之中故有公孫碩膚赤鬻几几之句而鄭謂之公孫庭燎
見宣王有怠政之漸而鄭以為設雜人之官諸類此者不可悉舉豈可
謂之知詩邪文水

群書考索卷之七

別集

山堂先生章俊卿編輯
建陽知縣區玉刊行

。經籍門

詩

詩不始於周

先儒謂詩三百篇其始終皆在於周嘗試論之自有天地有萬物而詩
之理已寓雷之動風之偃萬物之鼓舞皆有詩之理而未著也嬰孩之
嬉笑童子之謳吟皆有詩之情而未動也將以蕢鼓以土簫以鞞皆有
詩之用而未文也康衢順則之謠元首股肱之歌皆詩也故虞詩曰詩
言志歌永言當是時詩之義已終矣至於太康逸豫而五子述大禹之
戒以作歌傷今而思古變風變雅之體已備矣商頌十有二篇而詩之
為詩者已極其至然則烏在其始於周孔子曰周監於二代郁郁乎文